

**Шымкент қаласы білім басқармасы
№53 «Ер-Асыл» бөбекжай бақшасы МКҚК
Мектепалды «Қызғалдақ» тобы**

Ата-аналар жиналысының хаттамасы №1

Тәрбиеші: Усипбекова А.К.
Каржауова М.Ж.

2022-2023 оқу жылы

**№53 «Ер-Асыл»бөбекжай бақшасы
Мектепалды «Қызғалдақ»тобы**

Мерзімі:23.09.2023жыл

**Ата-аналар жиналысы
Хаттама №1**

Төрайым:Жантаева Г.Ж
Хатшы: Усипбекова А.Қ
Қатысқаны:18
Қатыспағаны:10
Шақыртылды:25

Күн тәртібі:

- 1.Дөңгелек үстел басында бас қосу
Баяндама: «Анам,әкем және балабақша»
- 2.Ата-аналар комитетін сайлау,жаңа оқу жылының жоспарымен таныстыру.
- 3.Әртүрлі мәселелер

Тыңдалды:

Бірінші мәселе бойынша осы топтың тәрбиешісі Усипбекова Айманның «Анам,әкем және балабақша» атты баяндамасы тыңдалды. «Қазіргі заман талабында отбасы баланын оқу-тәрбиесіне араласу қажеттілігі айтылған.Сондықтан ата-ана мен балабақша арасындағы ынтымақтастықты дамыту өзекті мәселе болып отыр. Ата-анамен балабақша ынтымақтастығы - баланы оқыту мен тәрбиелеудегі баршаның ісі.Отбасының да,балабақшаның да мақсат-мүддесі біреу – ол болашақ ұрпақ тәрбиесі.Болашақ азамат тәрбиеленетін алғашқы ұя – отбасы,ата-ана құшағы.Жас сәбидің алғашқы еститіні анасының мейірбан сөзі,көретіні анасының аялы алақаны. Атақты ақын,жазушы Ғ.Мұстафин айтқандай «Ата-ана қадірін білген бала халықтың қадірін білер.Ол үшін өз халқының дәстүрі мен мәдениетін,өнерін,тілін қадірлеуді ата-ана және ұстаз боп үйрету керек» Ендеше, «Жұмыла көтерген жүк жеңіл» демекші,отбасы – балабақша бірлесе,ынтымақтаса отырып,оқу-тәрбие жұмысын мақсатты түрде жүргізсек,елдің,халқының дәстүрін сыйлайтын ұлтжанды жеткіншек өсірудегі мақсатымыз сөзсіз орындалады деп сенеміз!»деп қысқаша түсіндіріп өтті.

Сөз сөйледі:

Мирзаева Райхан (ата-ана):Көп жылдан бері бұл балабақшаның ата-анасы ретінде мен қуана-қуана баламды алып келемін.Балаларым осы балабақшада тәрбиеленіп жүр,ұжымға алғысым шексіз.Аудандық,қалалық байқауларға қатысып,жүлделі орындар алып жүр.Балаларды да түрлі байқауларға қатыстырып отырады.Ондай байқауларға қатысқан бала болашақта өз ойын ашық айта алатын,өмірге деген көзқарасы мен талпынысы арта түседі деп ойлаймын.Бұл ұжымда баланы жанымен сүйетін,бала жанын түсінетін,мейірімді,білімді тәрбиешілер жұмыс атқарады.Өзімнің балам таңертең өзі тұрып,балабақшаға қиналмай,қуанып келеді.Жаңа оқу жылында сіздерге үлкен жетістіктер мен табыстар тілеймін ,-деп сөзін аяқтады.

Сұрақтар қойылды:

- 1.Топта жалпы неше бала отырады?

Жауап: 25 бала

2. Логопед маманы бар ма?

Жауап: -Ия логопед маманы жұмыс жасайды (Абдуллаева Гүлназ)

Көрсетілді:

Ата-аналарға тәрбиеші Каржауова Маржан «Нан дастарханға қалай келеді?» ұйымдастырылған іс-әрекетін көрсетті. Көргеннен кейін тәрбиеші ата-аналарға көрмелерді тамашалауды және баланың интеллектісін арттыратын «Lego» -ның түрлерін көрсетіп, ойнап көруді ұсынды.

Сөз алды:

Тәрбиеші Усипбекова Айман бұл ойындарды ойнап отырған баланың ой-өрісі кеңейіп, ойлау, қиялдау қабілеттерінің артатынын және де құрастыра отырып, саусақ моторикасының дамитынын, танымдық қабілетінің артатынын атап өтті. Түстерді және көлемдерін ажыратуға үйренетінін және де бала денсаулығына қауіпсіз екендігін айтты.

Сөз алды:

Екінші мәселе бойынша тәрбиешілер Усипбекова А.Қ мен Каржауова М.Ж ата-аналар арасынан комитет төрайымын сайлап алу керектігін айтып, ата-аналарға ұсыныс тастады. Топтың ата-аналары ортадан үш ата-ана сайлану қажеттілігін алға тартты. Біреуі төрайым болса, екі көмекші қажет болатынын айтып, Орынбай Тоғжанның анасы көтерілген мәселе бойынша сөз алып, балабақша ұжымына жаңа оқу жылында сәттілік пен сабырлық, шығармашылы табыстар тілеп, балаларының үлкен жетістіктерге жетуіне осы балабақшаның да үлесі көп екенін, ата-ана болып балабақшамызға өз қолдауларын білдіретінін атап айтты. Осылайша ата-аналардың ақылдасуымен комитет төрайымы болып Мирзаева Райхан, ал көмекшілері ретінде Тұрдық Арай, Байдуллаева Эльвира болып тағайындалды. Ата-аналар бірауыздан қолдау білдірді.

Дауыс берді: 12

Қолдады - 15

Қолдамады - 0 (бірауыздан)

Шешім:

1. Ата-аналар комитетінің төрайымы болып Мирзаева Райхан тағайындалсын.

Көмекші ретінде Тұрдық Арай мен Байдуллаева Эльвира тағайындалсын.

2. Ата-ана қалауымен (костюмдер, ойыншықтар, құрал-жабдықтар, ертегі кітаптар т.б) спонсорлық көмектер көрсетілсін.

Сөз алды:

Тәрбиеші Усипбекова А. биылғы жаңа 2022-2023 оқу жылынан бастап топтың мектепалды даярлық емес, мектепалды топ болып өзгертілгенін айтты. Бағдарлама «Білім туралы» ҚР Заңының 4-бабының 6-тармағына және 14-бабының 1-тармағына, «Мдт мен оқытудың бастауыш, негізгі орта, жалпы орта, техникалық және кәсіптік, орта білімнен кейінгі бб-дің мемлекеттік жалпыға міндетті стандарттарын бекіту туралы» ҚР Оқу-ағарту министрінің 2022ж 3 тамыздағы №348 бұйрығымен бекітілген Стандарт талаптарына сәйкес әзірленгенін айтты.



Бағдарламаның мақсаты: Әр баланың қызығушылықтарын, ерекшеліктері мен қажеттіліктерін ескере отырып, жалпы адами және ұлттық құндылықтар негізінде оларды толыққанды дамыту мен әлеуетін ашу.

Бағдарламаның міндеттері: Мектеп жасына дейінгі балаларды тәрбиелеу мен оқыту үшін жайлы және қауіпсіз білім беру жағдайларын жасау, баланың даралығы мен субъективтілігін қолдауға бағытталған заттық-кеңістіктік ортаны, оның ішінде арнайы ортаны құру, олардың жас ерекшеліктеріне сәйкес біліктері мен дағдыларын қалыптастыру және т.б.

Бұл топта тәрбиелеу мен білім процесін ұйымдастыру үшін педагогтер ҚР БҒ министрінің 2012 жылғы 20 желтоқсандағы №557 бұйрығымен бекітілген (№8275) Мектепке дейінгі тәрбие мен оқытудың үлгілік оқу жоспары негізінде оқу жылына арналған ұйымдастырылған іс-әрекеттің перспективалық жоспарын әзірлейді, апта сайын циклограмма құрады, біліктер мен дағдылардың қалыптасу деңгейін қадағалау үшін оқу жылына арналған баланың жеке даму картасын әзірлейді деп түсіндіріп өтті.

Аптасына ҮІӨ-тің саны 20 сағатты, ұзақтығы 20-25 минутты құрайтынын айтты. МДҰ-дағы мектепалды топта баланың қызығушылықтары ескеріліп, ҮІӨ-ті өткізу күні бойы кіріктірілген түрде немесе жеке жоспарланады.

5 дағды бойынша жұмыс жасалатынын атап көрсетті:

1. Физикалық қасиеттерді дамыту
2. Коммуникативті дағдыларды дамыту
3. Танымдық және зияткерлік дағдыларды дамыту
4. Балалардың шығармашылық дағдыларын, зерттеу іс-әрекетін дамыту
5. Әлеуметтік-эмоционалды дағдыларды қалыптастыру.

Сөз сөйледі:

Үшінші мәселе бойынша тәрбиеші Каржауова Маржан ата-аналарды күн тәртібімен таныстырды. Бала таңертең кешікпей, уақтылы балабақшаға келуі керектігін, ауа-райына сай киіндіру керектігін және төлем жарнасының (Қаулы №1417, 01.08.2022ж)

3 жастан 7 жасқа дейін 686,04 теңгені құрайтынын айтты. Төлемақыны әр айдың 10-шы жұлдызына дейін төлеп қою керектігін және де балабақшадан себепсіз қалдырмауды, егер ауырған жағдайда анықтама қағазын әкеліп беру керектігін атап айтты.

Сөз сөйледі:

Әдіскер Жантаева Гүлнар Жандарбекқызы тәрбиешілерге жаңа 2022-2023 оқу жылында педагогтарға сәттілік, шығармашылық табыстар тілеп, ата-аналарға балабақшамен тығыз байланыста болуды, қандай да бір мәселе туындаған жағдайда жаңадан жұмысқа кіріскен басшы Мусакулова Дильбар Төлендіқызына хабарландырып отыруды, мәселені бірігіп шешуді тапсырды. Биылғы оқу процесінде жаңа Бағдарламамен және 5 дағды бойынша жұмыстар жүргізілетінін, ҰІӨ-тер топта, аулада немесе ұйқыдан тұрғаннан кейін де жүргізіле беретінін және ойын түрінде өтілетінін атап көрсетті.

Қаулы:

1. Ата-ана мен балабақша тығыз байланыста болсын
2. Топтың ата-аналар комитетінің төрайымы болып Мирзаева Р, көмекшілері ретінде Тұрдық А, Байдуллаева Э тағайындалсын.
3. Төлем жарнасы әр айдың 10-шы жұлдызына дейін Каспи терминал арқылы төленсін.
4. Бала себепсіз бақшадан қалмасын, қалған жағдайда тәрбиешіге хабарлар етілсін, ауырған жағдайда анықтама талап етілсін.

Төрайым:  Жантаева Г.Ж
Хатшы:  Усинбекова А.Қ

**Шымкент қаласы білім басқармасы
№53 «Ер-Асыл» бөбекжай бақшасы МКҚК**

Мектепалды «Қызғалдақ» тобы

Баяндама

Тақырыбы: «Анам, әкем және балабақша»

Тәрбиеші: Усипбекова А.К.
Каржауова М.Ж.

2022-2023 оқу жылы



«Анам әкем және балабақша»

Қазіргі заман талабында отбасы баланың оқу-тәрбиесіне араласу қажеттілігі айтылған. Сондықтан да ата-ана мен балабақша арасындағы ынтымақтастықты дамыту өзекті мәселе болып отыр. Ата-анамен балабақша ынтымақтастығы, баланы оқыту мен тәрбиелеудегі баршаның ісі болып табылады. Отбасының да, балабақшаның да мақсат-мүддесі біреу – ол болашақ ұрпақ тәрбиесі. Болашақ азамат тәрбиеленетін алғашқы ұя – отбасы, ата-ана құшағы.

Жас сәбидің алғашқы еститіні анасының мейірбан сөзі, көретіні анасының аялы алақаны. «Ұяда не көрсе, ұшқанда соны іледі» немесе «Әке көрген оқ жонар, шеше көрген тон пішер» деген де осының айғағы. Яғни, ата-анасының өнегесі, өнері балаға үлгі болатыны, бала үйде қандай игі істерге тәрбиеленсе, ұядан ұшқанда да сол өнеге-өсиет оған сарқылмас қазына болары сөзсіз.

Жазушы Ғабиден Мұстафин айтқандай, «Ата-ана қадірін білген бала халықтың қадірін біледі. Ол үшін өз халқының дәстүрін, өнерін, мәдениетін, тілін қадірлеуді ата-ана және ұстаз болып үйрету керек».

Ендеше, «Жұмыла көтерген жүк жеңіл» демекші, отбасы мен балабақша бірлесе, ынтымақтаса отырып, оқу-тәрбие жұмысын мақсатты түрде жүргізсе, елдің, халқының дәстүрін сыйлайтын, ұлтжанды жеткіншек өсіру мақсатымыз өтелері сөзсіз. Болашақ ұрпақ тәрбиесін іске асырып отырған кез келген мекеме үшін отбасымен жұмысты тиісті дәрежеде ұйымдастырудың маңызы өте зор. Себебі, отбасы баланың түпкі тамыры, болмысын қалайтын мекен. Сондықтан да балабақшаның оқу-тәрбие жұмысында ата-аналармен жұмысқа ерекше мән беріледі. Сол себепті ата-аналармен жұмысқа үлкен көңіл бөлу керек.

Біздің алға қойған мақсатымыз – ата-ана арасындағы ынтымақтастықты құру.

Алдымызға қойған міндеттеріміз:

1. Ата-аналарға балалардың жас ерекшеліктеріне сай педагогикалық кеңес беру.
2. Балабақшадағы іс – шараларға ата-аналарды қатыстыру.
3. Ата-аналарды балабақша өмірімен қызықтыру.
4. Үлгілі ата-аналар бұрышын жасау.
5. Ата-аналарды балабақша өмірімен қызықтыру.
6. Балаларды дамытудың диагностикасын жасау.

7.Күнделікті оқу-тәрбие жұмысына ата-аналарды тарту.

Әке мен шеше –баланың алғашқы тәрбиешілері.Ата-аналар бала бақытының шынайы бағбаны болуы тиіс.Бала бақыты –білімде.Білім –бір құрал.Білімі көп адам құралы сай ұста сияқты,не жасаса да келістіріп жасайды дейді Ахмет Байтұрсынов.Балаларды оқыту мен тәрбиелеуде отбасының басым рөлін мойындай бірлесе жұмыс атқару керек.Бала психикасы үйдегі көрген-білген,естіген мәліметтермен толығыады.Әрбір ұстаз ата-аналармен қарым-қатынас жасауда түрлі тәсілдерді,қазіргі жаңа техноогияларды пайдалана отырып,ата-аналардың қызығушылын арттыру мақсатында жұмыс атқарса,ата-ананың балабақшаға ,тәрбиешіге деген көзқарасы өзгерер еді.

Мектепке дейінгі ұйымдардың басты мақсаты –отбасында баланы тәрбиелеуге кәсіптік көмек беру,оны ауыстырмай,тәрбиелік функцияларын жүзеге асыруды толықтыру және қамтамасыз ету арқылы жүргізу.Бұл:

- баланың қызығушылығы мен қажеттілігін дамыту;
- бала тәрбиесіндегі тұрақты өзгертін жағдайларда ата-аналар арасындағы міндеттер мен жауапкершіліктерді бөлу;
- отбасындағы әртүрлі ұрпақ арасындағы қарым-қатынастың ашықтығына қолдау көрсету;
- отбасы өмірінің бейнесін жасау,отбасылық дәстүрлерді формалау;
- баланың жекелігін қабылдау және түсіну,балаға бірден –бір тұлға ретінде сену және сыйлау.

Мектепке дейінгі ұйым педагогы ата-аналармен сенімді шағын орта құру үшін олармен жұмыс мазмұны мен формаларын ойластыруы міндетті.

Ата-аналармен жұмыс формалары:

Форма(латын сөзі forma) –құрал,бірнәрсенің құрылымы,ұйымдастыру жүйесі.

Бүгінгі күні ата-аналар педагогикалық білімін ағартудың дәстүрлі емес,жаңашыл деп саналатын әртүрлі әдістері мен формалары қолданылып келеді:

- көрнекі насихаттау;
- онлайн бақылау;
- отбасына қатынау;
- консультациялық пункттер;
- ата-аналар жиналысы;

- әңгімелесу мен консультациялар;
- ата-аналар конференциялары;
- ауызша журналдар;
- сауалнама жүргізу;
- ашық есіктер күні;
- дөңгелек үстелдер;
- клубтар ұйымдастыру;
- біріккен бос уақыттар.

**Шымкент қаласы білім басқармасы
№53 «Ер-Асыл» бөбекжай бақшасы МКҚК**

Мектепалды «Қызғалдақ» тобы

Ата-аналар жиналысының хаттамасы №2

Тәрбиеші: Усипбекова А.К.
Каржауова М.Ж.

2022-2023 оқу жылы

**№ 53 «Ер-Асыл»бөбекжай бақшасы
Мектепалды «Қызғалдақ» тобы**

**Ата-аналар жиналысы
Хаттама №2**

Төраға:Усипбекова А
Хатшы:Каржауова М
Күні:05.12.2022ж
Уақыты:13.30
Қатысқаны:13
Қатыспағаны:12
Шақыртылды:25

Күн тәртібі:

- 1.«Дені саудың –тәні сау» (баяндама)
- 2.Жаңа жылдық ертеңгіліктерге дайындық іс-шаралары
- 3.Әртүрлі мәселелер

Тыңдалды:

Бірінші мәселе бойынша тәрбиеші Усипбекова Айманның «Дені саудың-тәні сау»атты баяндамасынан қысқаша үзінді тыңдалды. «Қазақ халқымыз «Дені саудың –тәні сау» деп бекер айтпаған.Расында да жаны таза жақсы адамның дені сау болса,тәні де сау болады.Халқымыздың бұл нақыл сөзі өмірден алынған.Денсаулық –ең басты байлық екенін бәріміз де білеміз.Денсаулық –адам өміріндегі басты құндылықтардың бірі.Егер адамның денсаулығы жақсы болса,онда сол адамның келбеті,аяқ-колы,дене бітімі де сау болады.Дені сау ұрпақ –ұлт болашағы демекші,спортпен айналысу,салауатты өмір салтын ұстану – денсаулықтың кепілі» деп аяқтады.Осы тыңдалған баяндамадан кейін тәрбиешілер шешім шығаруды ұйғарды

Шешім:

- 1.Өсіп келе жатқан жас жеткіншектің денсаулығына ең алдымен ата-ана жауапкершілік алсын.
 - 2.Салауатты өмір салтын ұстану қағидасын балаға жастайынан меңгерту.
 - 3.Балаларға денсаулық туралы мақал-мәтелдерді жатқа айтқызып үйрету керек.
- Шешіммен барлық ата-ана бірауыздан келісті.

Сөз алды:

Екінші мәселе бойынша тәрбиеші Каржауова Маржан алдағы Жаңа жылдық шыршаға дайындық іс-шаралары туралы қысқаша айтып өтті.Шырша мерекесінде көптеген кейіпкерлер қатысып,әдемі киімдер киіп,ән шырқайтынын,түрлі билер билейтінін айтты.Балабақшада мерекелік концертке арнайы киімдердің жеткілікті екенін айтып,егер басқа костюмдер кигіземіз десеніздер осы бастан айтып қойыңыздар деп ескертті.Сонымен қатар бір бала болса да өнер көрсетпей қалмайтынын,барлық бала Аяз атадан сыйлық алуға құштар болып тұратынын айтты.Берілген тақпақтарын әдемі етіп жаттап алу керектігін айтты.Тәрбиешінің сөзінен кейін ата-аналар тарапынан мерекелік сыйлық туралы әртүрлі ұсыныстар түсе бастады.

Сөз алды:

Ата-аналар комитетінің төрайымы Мирзаева Райхан сөз алып, барлық ата-ананың өз баласының қалауымен сыйлық әперген дұрыс болады деді. Себебі әр баланың талғамы әртүрлі екенін айтты. Әркім өзіне ұнаған сыйлығын алып келіп, топқа қойып қойса, одан соң Аяз атаның қолынан алсын деді. Бұл ұсынысқа ата-аналар бірауыздан келісіп, алдын ала не кигізетіндерін айтып ескертеміз деді. Сыйлықты өздері алдын ала алып қоятындарын, баланың Аяз атаның қолынан алғаны әсерлі болатынын айтып өтті.

Қолдады: 13

Қолдамады: 0 (бірауыздан)



Сөз алды:

Үшінші мәселе бойынша тәрбиеші Усипбекова Айман ата-аналарға балабақшаның күн тәртібіне бағынуды айтты. Баланы кешіктірмей балабақшаға әкелуді және уақтылы алып кету керектігін айтты. Әрбір айдың төлем жарнасын кешіктірмей, айдың 10-на дейін Каспи терминалмен төлеп қою керектігін ескертті. Баланы себепсіз бақшадан алып қалмау керектігін және де өтінішті үш күнге ғана алуға рұқсат бар екенін, ауырып қалған жағдайда дәрігерден анықтама алып келуді ескертті. Сонымен қатар балалардың тазалығына да қатты көңіл бөлу керек екенін ескертті.

Қаулы:

1. Ата-ана балабақшамен тығыз байланыста болсын.
2. Жаңа жылдық ертеңгілікке дайындық өз деңгейінде жүргізілсін.
3. Бала себепсіз бақшадан қалмасын.
4. Төлем жарнасы әр айдың 10-на дейін Каспи терминалмен төленсін.

Төрайым: *Усипбекова А*

Хатшы: *Каржауова М*

**Шымкент қаласы білім басқармасы
№53 «Ер-Асыл» бөбекжай бақшасы МКҚК**

Мектепалды «Қызғалдақ» тобы

**Баяндама
Тақырыбы: «Дені саудың-тәні сау»**

Тәрбиеші: Усипбекова А.К.
Каржауова М.Ж.

2022-2023 оқу жылы



«Дені саудың –тәні сау»

Қазақ халқымыз «Дені саудың-тәні сау» деп бекер айтпаған. Расымен де жаны таза жақсы адам болса, әрине адамның ішкі тәні де сау болады. Себебі жан мен тән егіз.

Халқымыздың бұл нақыл сөзі өмірден алынған. Дені сау адамның өмірі тамаша. Денсаулық – ең басты байлық екенін бәріміз де жақсы білеміз.

Денсаулық-адам өміріндегі басты құндылық. Егер адамның денсаулығы жақсы болса, онда сол адамның келбеті, аяқ-қолы, дене бітімі сау болады.

Кез келген елдің болашағы-оның халқының денсаулығына байланысты екендігі-дәлелдеуді қажет етпейтін шындық. Ал біздің болашақтағы бағытымыз-салауатты өмір салты.

Ауырып ем іздегенше, ауырмайтын жол ізде дегенді өсіп келе жатқан ұрпақтың санасына сіңіріп, олардың өз денсаулығына деген жауапкершілікті қалыптастыру баршаның борышы.

Денсаулық-адам жаны мен тәнінің амандығы. Дені сау адам өзі үшін де, ол өмір сүріп жатқан қоғам үшін де керек.

Халқымыздың тіршілігі мен бірлігі, жарқын келешегі көп ретте денсаулық мәдениетінің қаншалықты дәрежеде қалыптасуына байланысты.

Денсаулық- ел дамуының басты арқауы. Денсаулық сақтау біздің өміріміздегі келелі мәселелердің, өзекті міндеттердің бірі.

Жеке адамның да, мемлекеттің, қоғамның да басты байлығы- денсаулық. Осынау байлығымызға балаған денсаулығымыздың қамын ерте бастан ойлауымыз қажет екенін естен шығарып алатынымыз өкінішті-ақ.

Табиғаттың ең қымбат жемісі-адамдардың өз денсаулығына көңіл бөлгені – өзін-өзі сыйлағаны. Осыдан-ақ табиғаттың берген сыйы тұла бойына таза қарап, өмірінің соңына дейін денсаулығы зор болып, адам атына кір келтірмей өту абзал.

Адамның денсаулығы- өмір тіршілігінің ең бірінші шарты болып табылады. Дені сау болса, адамның өзі де, жан-жағындағы адамдар да бақытты. Ауру төнсе, кең дүниені тар қылмақ, -дегендей, өкінішке орай, қымбат байлығымызға кереғар әсерін тигізетін зиянды нәрселер де баршылық. Бір кездері мақтаныш көріп, жерге салып тастаған сан түрлі зауыттардың түтіні адам ағзасын тұншықтыруда.

Денсаулық – табиғаттың адамзатқа тарту еткен ең асыл сыйы. Денсаулық – бұл адамның еңбекке белсенді болуы, әрі ұзақ өмір сүруі, тәннің саулығын сезіну. Онсыз өмірді емін-еркін сүре алмайсың. Ол жақсы болуы үшін не

уақытты, не күш-жігерді, немесе еңбекті, тіпті барлық дүниені аямай жұмсау керек. Денсаулығы сыр берген адам қоршаған ортаның кереметін көре алмайды.

Денсаулық – тек жеке бастың ғана емес, ұлтымыздың да ұлы игілігі. Біздің бақытымыздың оннан тоғызы денсаулығымызға байланысты. Әрбір адам салауатты өмір салтын ұстанып, өз денсаулығына сақтықпен қараса, жарқын өмірге жол ашылады. Демек, өміріңіз бен нұрлы болашағыңыз өзіңіздің қолыңызда екенін ұмытпаңыз.

Дені сау ұрпақ – ұлт болашағы демекші, спортпен айналысу, салауатты өмір салтын ұстану – денсаулықтың кепілі.

Денсаулық туралы мақал-мәтелдер

1. Шынықсаң – шымыр боларсың
2. Дәрігер дәрімен емдемейді,
Тілмен емдейді
3. Ауырып ем іздегенше,
Ауырмайтын жол ізде.
4. Денсаулық – зор байлық.
5. Дерткөп, денсаулық біреу.
6. Адамның басты байлығы- денсаулық.
7. Дана көптен шығады,
Дәрі шөптен шығады.
8. Демі бардың емі бар.
9. Бірінші байлық- денсаулық!

**Шымкент қаласы білім басқармасы
№53 «Ер-Асыл» бөбекжай бақшасы МКҚК**

Мектепалды «Қызғалдақ» тобы

Ата-аналар жиналысының хаттамасы №3

Тәрбиеші: Усипбекова А.К.
Каржауова М.Ж.

2022-2023 оқу жылы

№53 «Ер-Асыл» бөбекжай бақшасы
Мектепалды «Қызғалдақ»тобы

Ата-аналар жиналысы
Хаттама №3

Төрайым:Каржауова М
Хатшы:Усипбекова А
Күні:02.03.2023ж
Уақыты:14:30
Қатысқаны:14
Қатыспағаны:11
Шақыртылды:25

Күн тәртібі:

- 1.Әңгіме: «Не үйреніп,не білдік?»
- 2.Табиғат жайлы толғаныс: «Табиғатты аялайық»
- 3.Әртүрлі мәселелер

Сөз алды:

Бірінші мәселе тәрбиеші Каржауова Маржан ата-аналарға оқу жылының жарты жылдық есебін берді.Ашық ұйымдастырылған оқу қызметтерін және де мерекеге сай өткізілген ертеңгіліктер жайлы да айтып өтті.Ендігі жерде алда келе жатқан 8-наурыз Халықаралық Әйелдер мерекесі мен Жыл басы-Наурыз мерекесін де ынтымақтастықтың арқасында өткізіп алатымызды айтты.Бұл мерекелерге үлкен дайындық қажет екенін де атап өтті.Киім мәселесіне аландаудың қажеттілігі жоқ екенін,себебі бақшамызда ұлттық киімдердің жеткілікті екенін айтты.Берілген тақпақтарды жақсылап жаттап алу керектігін айтты.

Енді білім мен тәрбие жұмыстары жайлы айтып өтуді ұсынды.Балалардың білім деңгейінің бастапқы және аралық мониторингінің қорытындысын түсіндіріп өтті.Оқу жылының басынан бері балалардың қызығушылықтары ескеріліп,ұйымдастырылған іс-әрекетті өткізу күні бойы кіріктірілген түрде немесе жеке жоспарлау түрінде өткізілгенін айтты.

Физикалық дамыту баланың жеке ерекшеліктерін ескере отырып,күн сайын ойын түрінде және дене шынықтыру ҰІӨ-і арқылы жүзеге асырылып келеді.

Коммуникативті дағдыларды дамыту баланың жеке ерекшеліктерін ескере отырып,күн сайын ойын түрінде және сөйлеуді дамыту,көркем әдебиет,сауат ашу негіздері,қазақ тілі ҰІӨ-тері арқылы жүзеге асырылып отырды.

Танымдық және зияткерлік дағдыларды дамыту баланың жеке ерекшеліктерін ескере отырып,күн сайын ойын түрінде және математика негіздері ҰІӨ-тері арқылы іске асырылып келеді.

Балалардың шығармашылық дағдыларын,зерттеу іс-әрекетін дамыту балалардың жеке ерекшеліктерін ескере отырып,күн сайын ойын түрінде және сурет

салу,мүсіндеу,жапсыру,құрастыру,музыка ҰІӨ-тері арқылы жүзеге асырылып келеді.

Әлеуметтік-эмоционалды дағдыларын қалыптастыру баланың жеке ерекшеліктерін ескере отырып,күн сайын ойын түрінде және қоршаған ортамен таныстыру ҰІӨ-і арқылы іске асырылып келеді.

Сонымен қатар балалардың ой-өрісінің, танымдық қабілеттерінің артуына заттық-кеңістіктік ортаның да маңызы зор екенін атап айтты.

Тыңдалды:

Екінші мәселе бойынша тәрбиеші Усипбекова Айман «Табиғатты аялайық» тақырыбында әңгіме қозғады. Әңгіме барысында ата-аналарға көктем мезгілінің ерекшеліктері туралы айтылып, баланы қоршаған ортаны сүйеге тәрбиелеуді отбасынан бастау қажеттігін айтты. Табиғатқа деген сүйіспеншілігін арттыру үшін үйдің ауласына ағаш отырғызуды үйретіп, оған су құйғызып, топырағын қопсытып отыруды меңгерту керек. Тек қана ағашқа ғана емес гүлдерге су құяды, топырағын ауыстырып, қопсытып отыруды, құстарға ұя жасап, оларға жем беруді, жалпы табиғат бөліктеріне мейірімділікпен қарауды меңгерту керек екенін айтты. Күнделікті бақшаға келіп жүрген бала осындағы ауланың гүлдеріне және бөлме гүлдеріне, ағаштарына су құяды, топырағын қопсытып отыруды, ауланы таза ұстау керек екенін түсінеді және біледі. Жалпы алғанда табиғатты аялап, қорғау керек екенін түсіндіріп өтті.



Шешім:

1. Баланы отбасында табиғатты сүйеге, аялауға, оның бөліктеріне, жан-жануарларға, жәндіктерге, құстарға және өсімдіктерге қамқорлықпен қарауға тәрбиелеу керек.
2. Табиғат аясына ата-анасымен саяхатқа көбірек шығу керек.
3. Әкесі баласымен бірге құстарға ағаштан ұя жасап, балабақшаның ауласындағы ағаштарға іліп қойылсын.

Сөз алды:

Үшінші мәселе бойынша тәрбиеші Каржауова Маржан ата-аналарды балабақшамен тығыз байланыста болуды ұсынды. Қандай да бір мәселе туындаған жағдайда бірлесіп отырып шешу керектігін, баланың оқу-тәрбие ісіне байланысты тәрбиешілермен бірігіп отыра қалағалау қажеттілігін айтып өтті. Сондай-ақ баланы бақшаға кешіктірмей алып келуді, төлем жарнасын да әр айдың 10-на дейін Каспи терминалмен төлеуді ескертті. Сонымен қатар балаларды ауа-райына сай киіндіруді де айтып, жиналысты қорытындылады.

Қаулы:

1. Ата-аналар балабақшамен тығыз байланыста болсын.
2. 8-Наурыз және Жыл басы-Наурыз мерекесіне арналған ертеңгіліктердің дайындық іс-шарасы өз деңгейінде жүргізілсін.
3. Төлем жарнасын әр айдың 10-на дейін Каспи терминалмен төлесін.

Төрайым: *Керіс*, Каржауова М.Ж

Хатшы: *Усипбекова* Усипбекова А.Қ